

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br: 49/06 i 51/09), člana 15. Odluke o organizaciji i djelokrugu rada Jedinog Gradskog organa uprave Grada Cazina („Službene novine Grada Cazina“, broj: 1/17), člana 119. Statuta Općine Cazin („Službene novine Općine Cazin“, broj: 13/10), člana 25. Statutarne Odluke („Službene novine Grada Cazina“, broj: 1/17), te na osnovu Pravilnika o kriterijima, načinu i postupku raspodjele sredstava iz preduzetničkog fonda za mlade koji se finansiraju i sufinansiraju sredstvima budžeta Grada Cazina, a u vezi sa Ugovorom o dodjeli granta broj: 01/GN-49-9027/18 od dana 18.07.2018. godine potpisanog od strane Grada Cazina i Instituta za razvoj mladih KULT, Gradonačelnik Grada Cazina, raspisuje:

**JAVNI POZIV
ZA FINANSIRANJE BIZNISA U OKVIRU PROJEKTA „PREDUZETNIČKI FOND ZA MLADE“**

Sredstva „Preduzetničkog fonda za mlade“ obezbjeđena su sufinansiranjem Instituta za razvoj mladih KULT uz podršku Ambasade kraljevine Švedske u Bosni i Hercegovini i sredstvima budžeta Grada Cazina.

Pravo na dodjelu sredstava iz Fonda imaju osobe starosne dobi od 18 do 35 godina starosti i to:

- kao pojedinci;
- koji imaju poslovne ideje i žele započeti posao u određenoj djelatnosti na području grada;
- koji u trenutku podnošenja prijave nemaju registriranu vlastitu djelatnost;
- koji nisu imali registrovanu, a potom odjavljenu, djelatnost u prethodne dvije godine prije objave javnog poziva;
- sa prebivalištem na području grada;
- koji nisu osuđivani za krivična djela protiv privrede i krivična djela protiv imovine;
- da su nezaposlena.

Aplikanti podnose prijavu Komisiji za dodjelu sredstava u sklopu Preduzetničkog fonda za mlade na objavljeni javni poziv.

Prijava treba sadržavati:

- popunjen poslovni plan;
- biografiju;
- kopiju lične karte;
- kopiju prijave o prebivalištu;
- ovjerenu izjavu da aplikant/ica nema registriranu vlastitu djelatnost, da nije imao/la registrovanu, a potom odjavljenu, djelatnost u prethodne dvije godine prije objave

javnog poziva i da nije osuđivan/a za krivična djela protiv privrede i krivična djela protiv imovine (ovjerenu kod nadležnog organa);

- dokaz o statusu nezaposlenog lica iz evidencije JU Službe za zapošljavanje USK, Biro rada Cazin ili Porezne uprave Cazin (ne stariji od mjesec dana od dana objavljivanja javnog poziva).

Aplikant/ica može aplicirati samo jedan poslovni plan.

Informacije o objavljenom javnom pozivu i obrasci za podnošenje prijave za finansiranje biznisa iz fonda biće objavljene na web-stranici Grada i dostupni u Službi za privredu.

Prijave s dokumentacijom podnose se lično na Protokol Grada Cazina (šalter br. 1) ili putem pošte na slijedeću adresu:

Grad Cazin

**Trg prvog predsjednika Predsjedništva RBiH Alije Izetbegovića bb,
77220 Cazin**

sa naznakom:

„NE OTVARATI“ - Za Komisiju za dodjelu sredstava u sklopu Preduzetničkog fonda za mlade“.

Javni poziv za raspodjelu sredstava traje mjesec dana od dana objavljivanja na službenoj web-stranici Grada Cazina. Krajnji rok za podnošenje prijava je 24.12.2018. godine.

Prijave pristigle nakon predviđenog roka, prijave sa nepotpuno dokumentacijom, podnesene na neodgovarajućem obrascu ili za namjene suprotne ovom pozivu, kao i prijave dostavljene putem faksa ili e-mail i nepotpisane prijave, neće se razmatrati. Nepotpuni konkursni materijali se neće ocjenjivati/bodovati.

Pozivna dokumentacija se ne vraća. Odabir i prijedlog finansiranja biznisa iz Fonda vršiće Komisija imenovana od strane Gradonačelnika.

Kriteriji za ocjenu kvalitete poslovnog plana definisani su Pravilnikom o kriterijima, načinu i postupku raspodjele sredstava iz „Preduzetničkog fonda za mlade“ koji je dostupan na zvaničnoj web stranici Grada Cazina.

Kriteriji za ocjenu pristiglih prijava utvrđeni su u okviru sljedećih segmenata:

1. a) Eliminatorski kriteriji:

- poslovni plan nije dostavljen u naznačenom roku;
- nedostaju formalni uvjeti za kandidiranje poslovnog plana (nepotpuna ili netačna dokumentacija);
- prijavni obrazac u vidu poslovnog plana nije popunjen u potpunosti;
- biznis se ne realizira na području grada;

- aplikant/ica je osuđivan za krivična djela protiv privrede i krivična djela protiv imovine.

1. b) Kriteriji za ocjenu kvalitete poslovnog plana

Kriteriji		Broj bodova
Vrsta djelatnosti	Proizvodnja	40
	Intelektualne usluge	30
	Usluge	20
	Ostale djelatnosti	10
Broj zaposlenih	1	10
	2-3	20
	4 i više	30
Ocjena poslovne ideje	Odlična	30
	Dobra	20
	Uslovno dobra	10
Ocjena biznis plana	Odličan	30
	Dobar	20
	Uslovno dobar	10
Vlastito učešće	50% i više	15
	25% i više	10
	Bez učešća	0
Investicija (vrijednost)	15.001,00 KM i više	15
	od 5.001,00 – 15.000,00 KM	10
	do 5.000,00 KM	5
Inovativnost	Djelatnost slabo zastupljena na području Grada	20
	Djelatnost značajno zastupljena na području Grada	10
Uticaj na životnu sredinu	Doprinosi unapređenju i očuvanju životne sredine	5
	Nema uticaj na životnu sredinu	0

Aplikant/ica može tražiti ukupan iznos vrijednosti poslovnog plana ili dio nedostajućih sredstava, što je dužan naznačiti u zahtjevu, s tim da maksimalni iznos traženih sredstava može biti 8.000,00 KM.

Grad Cazin će za uspješno ocijenjene bisnis planove osigurati troškove registracije firme i računovodstvenih usluga u prvoj godini obavljanja djelatnosti, dio ili u cijelosti trošak zakupnine prostora u prvoj godini obavljanja djelatnosti, te dio ili u cijelosti trošak nabavke opreme i troškove zdravstvenog i penzionog osiguranja u prvoj godini obavljanja djelatnosti.

Komisija donosi prijedlog odluke o raspodjeli sredstava rukovodeći se ocjenom poslovnog plana na osnovi kriterija propisanih u Članu 8. Pravilnika. U slučaju da dva ili više poslovnih planova dobiju isti broj bodova, a raspoloživa sredstva nisu dovoljna za

njihovo finansiranje, Komisija većinom glasova vrši odabir poslovnog plana za finansiranje. Konačni odabir prijava koje će se finansirati iz Preduzetničkog fonda će biti zasnovan na poretku prema ocjenama poslovnog plana na osnovu kriterija propisanih u Članu 8. Pravilnika i raspoloživim sredstvima. Komisija je dužna pripremiti prijedlog odluke o raspodjeli sredstava i dostaviti je gradonačelniku u roku od 15 dana od dana isteka roka javnog poziva za prijavu poslovnog plana.

Odluku o raspodjeli sredstava, Gradonačelnik će objaviti na službenoj web-stranici i oglasnoj tabli Grada i dostaviti je putem Komisije u pisanom obliku svakom aplikantu/ici pojedinačno.

Na Odluku o raspodjeli sredstava može se izjaviti žalba u roku od 8 dana od dana objavljivanja ove Odluke na web stranici i oglasnoj ploči Grada Cazin.

Žalba se izjavljuje Komisiji za žalbe, predstavke i prigovore Gradskog vijeća, a predaje se neposredno na protokolu Gradske uprave, putem pošte ili usmeno na zapisnik kod Komisije za odabir biznisa. Žalba se taksira u iznosu od 10,00 KM, u skladu sa Odlukom o općinskim administrativnim taksama. Nakon donošenja odluke o raspodjeli sredstava, gradonačelnik i Institut zaključuju ugovor sa subjektima iz Člana 2. Pravilnika, koji sadrži prava, obaveze i odgovornosti, način praćenja provođenja odobrenog poslovnog plana, način praćenja namjenskog trošenja sredstava, te elemente narativnog i finansijskog izvještavanja o realizaciji poslovnog plana.

Sredstva će biti doznačena nakon potpisivanja ugovora, u ratama, po principu refundacije, u skladu s dostavljanjem potrebne dokumentacije.

U slučaju da na Javni poziv bude prijavljen veći broj zainteresovanih korisnica od onoga čiji se poslovni planovi mogu finansirati raspoloživim sredstvima Programa, a u okviru realizacije projekta dođe do odustajanja ili raskida ugovora sa nekim od korisnika, biće ponuđeno potpisivanje ugovora prvom sljedećem korisniku u poretku prema ocjenama poslovnog plana koji ispunjava propisane uslove.

Proces registracije biznisa može trajati najduže tri (3) mjeseca od dana potpisivanja ugovora. Ukoliko u navedenom periodu aplikant koji je potpisao ugovor ne registruje biznis, biće ponuđeno potpisivanje ugovora prvom sljedećem korisniku u poretku prema ocjenama poslovnog plana koji ispunjava propisane uslove. Služba za upravljanje razvojem Grada Cazina će tokom javnog poziva osigurati edukaciju za sve zainteresovane u pogledu popune obrasca aplikacije – poslovnog plana i odgovoriti na sva dodatna pitanja.

Detaljnije informacije o Projektu mogu se dobiti na telefon broj 037/515-391 kontakt osobe Hadžalić Haris i Šarić Mordina, lično u Službi za privredu ili putem e-mail: haris.hadzalic11@gmail.com.

Broj: 01/GN-05-9027-3/18

GRADONAČELNIK

Cazin, 23.11.2018

mr. Nermin Ogršević